



E ALIANSA I E
PLAN
(ANTEPROYEKTO)



“ Asina ei Moisés a bini i a konta e pueblo tur e palabranan di Señor
i tur e ordenansanan. Y tur e pueblo a kontestá ku un bos i a bisa, '
Tur e palabranan ku Señor a bisa nos lo hasi' ”

Eksodo 24:3, NKJV

Despues di a proklamá ku bos duru e Dies Mandamentunan i dunando Moisés un sèt di leinan básiko, Dios kier a sera un aliansa(pakto) ku Israel.

E aliansa tabata simpel: Ami lo ta boso Dios, Ami lo protehá boso i bendishoná boso; boso, obedese Mi leinan.

Despues di a skirbi e aliansa riba un ròl, tur dos partido mester a ratifiká esaki. E pueblo a ratifik'é, bisando ku nan lo ward'é. Kon Dios a ratifiká esaki? Ku sanger; ku un fiesta; i ku un modèl(muestra) pa yuda nan komprende e aliansa.



E aliansa:



E sanger di e aliansa (Eksodo 24:1-6, 8)



E kumplimentu di e aliansa (Eksodo 24:7)



E Kuminda di e Aliansa (Eksodo 24:9-18)



E model (muestra):



E propósito di e modèl (Eksodo 25:1-9)



E Preparashon di e Modèl (Eksodo 31:1-18)



EALIANSA


"WHAT GOD SAYS WE WILL DO"
אשר יאמר יהוה נעשה ונשמע

E SANGER DI E ALIANSA

E ora ei Moisés a kohe e sanger, i a sprèngu esaki riba e pueblo i a bisa, ' Esaki ta e sanger di e aliansa ku Señor a sera ku boso konforme ku tur e palabranan aki.' " (Eksodo 24:8)

Kon e aliansa a wòrdu trahá ?

1. E aliansa a wòrdu lesá (Eks. 24:3a)
2. E pueblo a respondé afirmativamente (Eks. 24:3b)
3. Esaki a wòrdu registrá por eskrito (Eks. 24:4a)
4. Un altar a wòrdu trahá (Eks. 24:4b)
5. 12 pilar a wòrdu trahá(konstruí) (Eks. 24:4c)
6. Ofrendanan kimá a wòrdu ofresé (Eks. 24:5)
7. Mitar di e sanger a wòrdu di sprèngu riba e altar (Eks. 24:6)
8. E aliansa a wòrdu lesá atrobe (Eks. 24:7a)
9. E pueblo a respondé afirmativamente atrobe (Eks. 24:7b)
10. E otro mitar di e sanger a wòrdu di sprèngu riba e pueblo (Eks. 24:8a)
11. Moisés a deklará esaki di ta “ e sanger di e aliansa” (Eks. 24:8b; Mat. 26:28)
12. Un kuminda a wòrdu tené pa ratifiká e aliansa (Eks. 24:9-11)




Dios a rekonosé Israel komo un pueblo (12 kolumna); Espesialmente El a balorá esnan hoben; i El a comprometé Su mes na kada persona individualmente (dor di sprèngu Su sanger riba nan).

Dios ta desea un relashon ku nos, individualmente i komo un komunidat di kreyentenan.

E KUMPLIMENTU DI E ALIANSA


" E ora ei el a kohe e Buki di e Aliansa i a les'é pa e pueblo. Nan a respondé, ' Nos lo hasi tur loke Señor a bisa; nos lo obedesé.' " (Eksodo 24:7)



Den sinseridat kompleto, e pueblo a komprometé nan mes na warda e aliansa. E kompromiso aki a wòrdu wantá pa poko tempu (Eks . 32:8).

E siguiente generashon tambe a komprometé pa warda e aliansa (Josue 24:18b). Pero Josue klaramente a spierta nan: “ Boso lo no por sirbi Señor ” (Josue 24:19 NIV).

Kiko ta prevení nos di obedesé Dios, apesar di nos bon intenshonnan?




Pa naturalesa, nos ta desobediente (Rom. 7:18), I nos no por hasi nada pa kambia nos tendencia (Rom.7:24).



Pero si nos permitiÉ, Dios lo por kambia nos naturalesa (Ezek. 36:26-27). E ta limpia, kita, duna, i ta drecha asina ku nos lo por obedes'Ele. Solamente É ta hasi nos fuerte (2 Kor. 12:10).

E KUMINDA DI E ALIANSA

“ E ora ei Moisés i Aaron, Nadab i Abiú, i setenta di e ansianonan di Israel a subi e seru; [...] i nan a mira Dios, i nan a kome i a bebe” (Eksodo 24:9, 11b)



Manera nos ta mira den e ehèmpel di Jakòb i Laban, den e Oriente di antiguo e ratifikashon di un aliansa a inkluí un kuminda kompartí dor di tur dos partido (Gen. 31:44-54).



Na Sinai, Dios a ofresé un “ kuminda di aliansa ” na 74 hende: Moisés, Aaron, Nadab, Abiú, i setenta ansianonan, representando tur e pueblo (Eks. 24:9-11).

Ora ku Hesus a instituí e aliansa nobo, El a hasi asina tambe dor di kompartí Su kuminda ku e 12 apòstelnan (Mat. 26:26-28).

Kada bia ku nos partisipá di e Sena di Señor, nos ta renobá nos aliansa ku Dios. Dor di partisipá di e pan i e biña, nos ta selebrá e pordon i salbashon ku nos tin den Hesus (1 Kor. 11:26).



Apesar di nan último rechaso di salbashon, ni Nadab, ni Abiú, ni Hudas a wòrdu ekskluí for di e “ kuminda di e aliansa “ aki.”



E M O D È L (M U E S T R A)

E PROPÓSITO DI E MODÈL

“ E ora ei laga nan traha un santuario pa Mi, i lo Mi biba meimei di nan ” (Eksodo 25:8)

Komo un garantia ku E lo kumpli ku Su parti di e aliansa, Dios a disidí pa bai i biba entre e pueblo.


Pero Dios Su presensia físiko lo nifiká morto inmediato pa tur di nan (Eks. 33:20). Pesei, El a komandá nan pa traha un Santuario kaminda E lo por manifestá Su presensia. E presensia aki a wòrdu manifestá den símbolonan, pasombra Dios no ta biba físikamente den ningun tèmpel di tera (Echonan 17:24).



Moisés a wòrdu mustrá e modèl i a wòrdu duná instrukshonnan spesífiko pa esaki su konstrukshon. E pueblo a wòrdu pidí pa kontribuí ku e materialnan nesesario (Eks. 25:2-7).

Tantu e santuario komo e tèmpel ku Salomon a konstruí tabata un modèl di e santuario trahá den Shelu (Heb. 8:1-2; 1 Reinan 8:27, 30).

Ora ku un Israelita a drenta e santuario, el a drenta — simbólikamente — den e berdadero presensia di Dios ... te ora ku e velo a wòrdu kibrá ora ku Hesus a muri.



E PREPARASHON DI E MODÈL

"Mira, Mi a skohe Bezaleel, yiu hòmbèr di Uri, yiu hòmbèr di Hur, di e tribu di Juda, i Mi a yen'é ku e Spiritu di Dios, ku sabiduria, ku komprendementu, ku konosementu i ku tur sorto di abilidatnan speshal"

(Eksodo 31:2-3)



Ounke Dios a duna Moisés instrukshonnan masha detayá en kuantu di e konstrukshon, E no a bis'é tur detaye. Kiko e labamano di bròns, e kerubin, e saserdotenan su túnika bòrdá, etc. lo tin di parse? Esaki a duna e Spiritu Santu e oportunitat pa traha ku e trahadónan su talentonan.

Pa e detayenan aki, e Spiritu Santu a dota ku talentonan speshal:

➡ **Bezaleel, kende a dirigí e proyekto kompleto(Eks. 31:2)**

➡ **Aholiab, kende tabata su asistente lider (Eks. 31:6a)**

➡ **Otro hendenan kende a yuda den e trabou(Eks. 31:6b)**

Meimei di e instrukshonnan pa traha e santuario, tin e menshon speshal di e Sabat (Eks. 31:12-17). Kiko e Sabat tin di hasi ku tur esaki?

Santidat ta e yabi. Pa aserká e Dios Santu, nos mester ta santu manera djÉ. E Sabat ta e señal ei di e santidat ei (Eks. 31:13; Ezek. 20:12, 20).



“ Den e trahamentu di e santuario komo un lugá di biba pa Dios, Moisés a wòrdu dirigí pa traha tur kos segu e patronchi di e kosnan den e shelunan. Dios a yam’é den e seru, i a revelá na djé e kosnan selestial, i den nan similitut e tabernakel, ku tur loke ta pertenesé na esaki, a wòrdu formá(trahá). P’esei na Israel, kende El a desea pa hasi Su lugá di biba, El a revelá Su ideal glorioso di karakter. [...] Pero e ideal aki nan tabata, den nan mes, sin poder pa alkansá. E revelashon na Sinai lo por solamente impreshoná nan ku nan nesesidat i inkapasidat(impotensia).”